

LES
ESTRANGES
CHANGEMENTS,
FAICTS EN ALLEMAIGNE
contre les ennemis de
l'Empereur.

PAR
COMMANDEMENT
de sa Majesté Imperiale,
Avec plusieurs autres nouvelles.



A PARIS,
Chez PIERRE ROCOLLET, en la
gallerie des prisonniers.

M. DC. XXI.
Avec Permission.

ESTRANGES

CHAS. G. B. N. S.

RIGHTS IN ELLIOTT

CONTRACTS

Case

F

39

326

162/ea

THE NEWBERRY LIBRARY

THE NEWBERRY LIBRARY

ESTRANGES

CHAS. G. B. N. S.

RIGHTS IN ELLIOTT

CONTRACTS



LES ESTRANGES CHANGEMENTS
*faits en Allemagne contre les ennemis
 de l'Empereur.*

*Extrait de la Lettre que les Princes, & Estats de la
 Schlesie ont escrit à l'Electeur Palatin datée de
 Lignitz, le 25. Februrier 1621.*



O vs n'auons peu trou-
 uer entre les remedes,
 & voyes humaines, au-
 tres plus salutaires que
 celle cy, sçauoir de
 nous accommoder à
 la volonté de sa Ma-
 jesté imperialle en suite, & conforme-
 ment à l'exemple des autres Prouinces
 confederees, & pays incorporez, si nous
 n'aymons mieux de reduire toute cette
 principauté en vne extreme & totale
 ruine, c'est pourquoy il a esté resolu, &
 conclu par nous, afin deuiter nostre per-
 te, & entiere desolation, que nous nous
 accommoderons avec obeïssance à ladi-

te Majesté de l'Empereur Ferdinand, &
 accepterons les offres royales, & graces
 imperiales à nous faites par la dilection, &
 l'excellence electorale du Duc de Saxe,
 & comment vostre Majesté Royale au-
 roit consenty en ce traicté, & accordé de
 se retirer hors de certe Prouince, n'ayant
 pour toutes prétentions fait demander
 par ses Ambassadeurs, sinon que la resti-
 tution de la perte de ses meubles (ce qui
 nous fait croire estre quittes, & absolus
 de nostre serment) nous n'auons nonob-
 stant ce pour plus grande assurance de
 nostredit serment a elle presté peu omet-
 tre d'en faire les remonstrances tres-hum-
 ble à vostre Majesté Royale, supplians
 partant tres-humblement vostre dite Ma-
 jesté, attendu la necessité extreme, la fou-
 le, & oppression à laquelle nous sommes
 réduits par la retraite, & imperfeuerance
 des Prouinces, ioinct que ne voyons au-
 tres remedes plus assés pour nous re-
 dimer des maux qui nous menassent, de
 nous auoir seulement pour excusez, mais
 aussi nous remettre le serment a elle pre-
 sté, ne faisants doute que vostre Majesté
 ne trouuera aucune difficulté de deferer

5

à cette nostre humble requeste, recom-
mandans sur ce vostredite Majesté en-
semble son espouse Royale, & ses enfans,
au tout puissant, &c. De Lignits le 25.
Feburier 1621.

EXTRACT D'UNE LETTRE
escripte de Lins, le 15. Mars 1621.

VEndredy dernier Mōsieur le Com-
te de Hohenzollern President du
Conseil de l'Empereur, est passé par Eber-
sberg, & doit aller effectuer sa commis-
sion de la part de sa Majesté Imperia-
le, aupres de son Altesse, que nous appel-
lerons dorefnauant Electorale de Bauie-
res: Premièrement il apporte & doit pre-
senter à sadite Altesse les prouisions & Pa-
tentes Imperiales de la dignité & charge
d'Electeur, en leur original. Secondemēt,
vne nouvelle commission Imperiale avec
tout pouuoir de reformer le pays de Ob-
der Ensz (*C'est la haute Autriche*) entiere-
ment & en chasser tous les Ministres: Tier-
cement vn mandat Imperial executorial
portant charge & pouuoir d'occuper &
apprehender tout le haut Palatinat avec

main forte & confor-mement à la mesme procedure & voye dont vse le Marquis Spinola dedās le bas Palatinat: Quar-temment ledit Sieur Comte à charge de traicter avec sadite Altesse Electorale, & accorder avec elle, que, moyennant la prise dudit haut Palatinat dont sadite Altesse & ses successeurs iouirōt en propriete, elle cederà aussi & renoncera à toutes les pretentions, qu'elle pourroit auoir sur ledit pays de Obder Ensz, *La haute Autriche*, lors qu'elle l'aura reformé ainsi que dessus: Voyla le subiect de la legation du Sieur Comte de Zollern, qui passera en apres vers les Princes Catholiques de l'Empire. D'autre costé l'Archiduc Charles doit traicter avec l'Electeur de Saxe luy donner du contentement de la part de l'Empereur. Ayant pouuoir, si ledit Seigneur Electeur venoit à ne se contenter de la Lusatie pour remboursement de ses frais de guerre, de luy accorder en outre certains biens & fiefs dedans la Schlesie, auoisinans les pays dudit Seigneur Electeur: iugez par cecy si on est prest d'asseurer vne Paix ou non dedans l'Allemagne, &c.




EXTRAIT DVNE LET-

tre, de Spire le 23. Mars 1621.

IE suis de retour en ce lieu dès le 19. du present mois, de la iournee d'Augsbourg, ou les Estats Catholiques de l'Empire ont esté assemblez l'espace de sept sepmaines, nous y auons resolu vne continuation de contribution pour la defensiue, tant & si long-temps, que les troubles dureront, à l'effet dequoy seront aduancez dix mois pour l'entretienement de 12000. hommes de pied, & 3000. cheuaux sous le Generalat & charge du Duc de Bauieres, ie vous puis asseurer que lesdits Princes, & Estats Catholiques sont en resolution telle qu'ils ne furent oncques, & que s'ils leussent prins semblable il y a quelques annees l'Estat des Protestants en eust def-ja bien rabbatu. Tous les Protestants ayans esté assemblez à Heilbron ont enuoyé vne Ambassade à nostre assemblee d'Augspourg, le subiet & la fin d'icelle n'ayant buté qu'à vne

paix qu'ils ont appellé l'obseruation du
 traicté d'Vlm, les Catholiques en ont ag-
 gree ladite conseruation, toutesfois sou-
 des reserues qui ne sont beaucoup agrea-
 bles au party contraire. Monsieur l'Euef-
 que de Spire se tient aux aguets de la def-
 ensiue, d'autant qu'il est assuré que les
 Princes Protestants crient Barrabas con-
 tre son fort d'Vdenheim ayans fait re-
 chercher l'Electeur de Mayence, & le
 Duc de Bauieres comme chefs de la
 ligue Catholique de vouloir le persuader
 à soy deporter de cette nouvelle fortifi-
 cation, mais lesdits Seigneurs chefs, au
 lieu d'entendre à cette remonstrance des
 Protestans, leur ont donné vne resolu-
 tion par escrit portant Declaration bien
 ample des iustes occasions, raisons, &
 droicts, pour lesquelles ledit Seigneur
 Euefque estoit fondé a chercher de l'as-
 seurance, & du repos dedans son pais
 apres tant d'oppressions, & mauuais tours
 par luy soufferts de ses voisins.

De



DE SPIRE LE VINGT-
sixiesme Mars 1621.


Ceux de Vormes craignent doreſnauant vn ſiege pour les grandes apparences des preparatifs que le Marquis Spinola fait, la Bourgeoisie refugie tout ce que qu'elle peut dedans cette ville de Spire, il y a huit iours que le Marquis d'Anſpach, & le Duc de Virtemberg furent trouuer le Landgraue Loys de Heſſen d'Armſtatt à Veinheim bourgade de la Bergſtraß, ou cettuy-cy les attendoit, il leur a promis de contribuer tout ſon poſſible pour les reconcilier avec l'Empereur, les villes de Nuremberg, Vlm, & Strasbourg ont fait publier parmy leurs bourgeoisies comme elles ſ'eſtoient retirees de l'vnion Proteſtante, ne voulans doreſnauant recognoiſtre autre que l'Empereur, j'auois oublie de vous dire que Lundy dernier le Marquis d'Anſpach Lieutenant general de l'armee eſtant retourné ſeul à Vormes, & ayant laiſſé le

Duc de Virtemberg audit Veinthem, feroit descendu deuant le logis du Marquis de Baden l'ayant expressement voulu visiter sans toutesfois qu'il luy ait decouvert (ainsi que l'on tient.) ses desseins particuliers, ils font iournellement des nouveaux retranchements à l'entour de la ville, ou ils logent les soldats, mais le mal est que ce qu'ils ont basti & releué de iour, tombe de nuict à cause que c'est sable,

DE VIENNE LE DIX.
septiesme Mars 1621.

BEthleem Gabor est arriué avec quinze mille hommes à Bresbourg, ayāt laissé de l'autre costé du Danube grand nombre de Turcs & de Tartares, avec ordre de faire vn Pont sur le Danube, & vne resolution de commander la guerre, le traité de Heimbourg ne luy pouuant plaire, cependant Budiani & autres Seigneurs Hongrois voudroient bien estre esloignez de luy, ils ont supplié l'Empereur de vouloir faire approcher son armee avec

asseurance qu'ils se ioindront à icelles, avec la pluspart des Esleuz d'Hongrie contre ledit Betlem, ensuitte dequoy le Comte de Buquoy doit iours apres autres s'acheminer en l'armee: l'Ambassadeur de Pologne a eu audience de sa Majesté Imperiale, & obtenu pouuoir de faire des leuees dans la Schlesie. De Prague. On nous mande qu'outre le grand nombre des prisonniers rebeles on auroit de surplus apprehendé le Baron Estienne de Starnberg, les Seigneurs de Balenberg, & de Hehuigam ensemble le Vieux Laber. Son Altesse de Bauieres ayant apres la prise de Prague trouué en la Chancellerie diuerfes lettres de tres-pernicieux desseins escrites tant en Allemand, François & Italien, que Flamand, Anglois, & Turc, par lesquelles on recognoit les vieilles haynes, & dangereuses pratiques des Caluinistes contre les Catholiques, & les Lutheriens, le Comte de Mansfeldt est party de Pilsen, laquelle commande d'auoir faute de munitions de viures, dautant que les gens du Duc de Bauieres leur ferment les passages par où ils pourroient fourrager.



D'ENSSHEIM LE

28. Mars 1621.

VOus sçaurez que depuis peu de iours le Comte de Buquoy s'acheminant de Heinbourg à Vienne, il a rencontré vn personnage à cheual, auquel ayant demandé où il alloit, d'où il venoit, & cetuy-cy luy declarant toutesfois d'un visage muant & changeant à chaque parole, qu'il estoit enuoyé secrettement de la part de Berlem Gabor vers sa Majesté Imperiale pour faire vn affaire importante, & qu'il ne cherchoit que des cheuaux de poste, ledit Seigneur Cōte recognoissant outre l'inconstance de son visage, la contrariété de paroles en ses discours, il la faict prendre & conduire prisonnier dedans Vienne en vn carosse asséuré avec vne compagnie de gens de Cheual, qui l'ayans deliuré entre les mains du Preuost de Vienne, & le Preuost s'approchant dudit personnage pensant l'apprehender, cette-cy tire promptement hors de sa pochette vn long cousteau bien affilé,

duquel pensant frapper ledit Preuost dedans l'estomach, le coup a esté gauchy & empesché par des Sergens. C'est homme voyant son coup failly, & faisi qu'il estoit encor de ce grand cousteau, auant qu'on luy eut arraché du poing, il s'en a donné luy-mesme sept coups mortels dedans le corps, desquels estant tombé à terre, il en est mort deux heures apres, pendant lesquelles il a proferé par fois quelques paroles mal formées qui n'ont peu estre entendues de personne..

Cependant il se presomme que le dessein de ce malheureux estoit d'assassiner l'Empereur, & peut on iuger de quel costé cela venoit & à la persuation de qui il auroit resolu d'effectuer cette acte paricide: sa Majesté Imperiale a fait depeindre & tirer au naturel c'est homme le mieux qu'il a esté possible, afin de le faire reconnoistre, &c.

Le Comte Lodron fait vn Regiment de Landsquenets en Tyrol pour la conseruation du pays, d'autant qu'il est à craindre que ce Comté ne vienne à estre attaqué indirectement: il y a pareillement vn ieune Comte d'Embs qui fait vn Re-

giment semblable, destiné pour le Marquis Spinola, la place de monstre ne leur est encor assignee.

Il se iouë des tragedies sanglantes & funestes parmy les Grisons qui ont ces iours passez massacré, & assommé à coups de haches le Sieur Pompeius Planta dedans sa maison, l'ayans mis en plusieurs pieces, & lauë leur mains dedans son sang, ce fait ils sont furieusement accourus dedans l'Eglise où ils ont estranglé deux personnages de la mesme famille de Planta, avec le Sieur de Trauers & vingt-quatre autres personnes, les Predicants qui se sont trouuez à ce spectacle hideux, y ont contribué leurs propres peines, de sorte qu'il est à craindre qu'il ne se r'allume vn grand feu en ces quartiers la : & de plus que les Grands Princes qui voudroient s'entre mesler pour l'esteindre, ne viennent eux mesmes à s'entre-castiller. La ruine de Plurio nous a predit tous ces maux.

F I N.

